

UKUSHICILELWA KOMBIKO OHLONGOZWAYO WEHHOVISI LOMLAWULI WENTELA NGOKUBA SENGCPHENI KWAMAPHROFAYILI E-EFILING UKUZE KUPHAWULE UMPHAKATHI

Tshwane, 1 kuMfumfu 2025 — UPhiko Lwemalingeniso Eqoqwayo LwaseNingizimu Afrika (uSARS) ukuqaphele ukushicilelwa kombiko ohlongozwayo weHhovisi Lomlamuleli Wentela (i-OTO), ukuze kuphawule umphakathi, ngamacala okuba sengcupheni kwamaphrofayili e-eFiling.

Nakuba uSARS uziqaphela izincomo ze-OTO, isikhungo sithanda ukuqinisekisa abakhokhintela ngokuthi okuningi kwalokhu kube semqoka ekusungulweni kohlelo lokwenza izinhlelo kube ngezesimanje kule minyaka eyedlule. USARS usalokhu uzinikele ekuqiniseni izindawo eziyingozi eziqhakanjisiwe. Lokhu kubandakanya ukuphucula izindlela zokuqinisekisa; ukuthuthukisa ukuhlonzwa kobungcuphe bokukhwabanisa; ukuthuthukisa izindlela zokuqinisekisa izimali ezibuyayo; kanye nokuqinisa ukusebenzisana namabhange, iKhomishana Yezinkampani Nokusunguliwe (i-CIPC), kanye noPhiko Losizo Lwamaphoyisa LwaseNingizimu Afrika (u-SAPS).

USARS ukholwa ukuthi i-OTO idlala indima esemqoka ohlelwenikusebenza lwentela nasekuvikeleni nasekukhuthazeni uhlelo lwentela nesikhwama sombuso kwezwe. Ukukhuthazwa kokusebenzisana phakathi kwalezi zikhungo ezisemqoka, uSARS ne-OTO, kubalulekile ekusebenzeni kohlelo lwentela. Ngalokhu, uSARS uzothumela ukuphawula kwawo ngombiko ohlongozwayo njengazo zonke izinhlangano ezinentshisekelo. Phezu kwalokho, uSARS ukholelwa ukuthi igalelo lawo lizokwelekelela ekuqhubezeni ukuqinisa ukwethenjwa kubo bonke abakhokhintela kokuthi izinkundla zawo ze-inthanethi zivikelekile futhi ziphephile ukuba bakwazi ukuxhumana nesikhungo.

USARS uyavuma ukuthi ubugebengu ku-inthanethi kuyingcuphe eshintsha njalo futhi ekhulayo, edinga ukuba kube nezinhlelo ezibonakalayo neziqhubekayo ekwenziweni kwezinhlelo zokuphathwa kwentela kube ngezesimanje njengoba kuqukethwe ohlelweni lwawo lwesu lweminyaka emihlanu. Izincomo eziningi embikweni we-OTO seziqalile kanti zizoqhubeka nokubukezwa ziphuculwe njengoba izikhathi nezidingo zishintsha. Lokhu kwenzelwe ukuqinisa ezokuvikela, kanti kwabangelwa ukukhathazeka kwethu ngokuguquguquka kohlobo lobugebengu be-inthanethi. Njengesikhungo esisebenza endaweni eguquka ngokushesha kwezobuchwepheshe, uSARS uhlala njalo ubukeza ubungcuphe kumasu aso, ukuze sizokwenza okuthile ngalezi zinguquko futhi babe ngabokuqala ukuba namasu amasha. USARS uzokwabelana ne-OTO ngalokhu okutholile.

USARS ukholwa ukuthi ukuba sengcupheni kwanoma yiyiphi iphrofayili kuningi. Bonke ababambiqhaza kumele badlale indima yabo ukuvimbela izigebengu ekutholeni ulwazi lomkhokhintela. Kumele sikugcizelele ukuthi abakhokhintela kumele bagcine iminingwane yabo iphephile futhi ingabi semehlweni abantu

abangagunyaziwe ukuyibona. Abakhokhintela kumele basebenzise izinkundla ze-inthanethi ezivikelekile ukuthola usizo ezindaweni ezifana ne-eFiling. USARS asoze wacela ukuba abakhokhintela bacofe ikhonco lokuxhumanisa ukuthola usizo lwawo.

Ngolwazi olwengeziwe, sicela uxhumane ne SarsMedia@sars.gov.za.

IYAPHELA